



Pou Piblikasyon Imedya: 21/12/2023

GOUVÈNÈ KATHY HOCHUL

**GOUVÈNÈ HOCHUL ANONSE PIBLIKASYON PREMYE KONKLIZYON KI SOTI NAN GROUP TRAVAY ENTÈ AJANS LAN SOU SEKIRITE ENSANDI SOU REPONS IJANS**

*Analiz ki disponib yo pa jwenn okenn blesi rapòte, pa gen nivo toksin danjere ki detekte nan lokal ensandi estokaj batri yo*

*Yo prevwa pibliye pwojè rekòmandasyon yo ki lye ak kòd prevansyon ensandi pou kòmantè piblik nan premye trimès 2024 la*

*Enspeksyon sistèm estokaj batri nan tout eta a prevwa fini nan dezyèm trimès 2024 la*

Gouvènè Kathy Hochul te pibliye jodi a premye konklizyon Gwoup Travay Entè-Ajans sou Sekirite Ensandi (Inter-Agency Fire Safety Working Group), ki te konvoke apre dife nan sistèm estokaj enèji batri nan etablisman yo nan Konte Jefferson, Orange ak Suffolk ete sa a. Gwoup Travay la te fè pwogrè enpòtan nan evalye estanda ak pratik preventif ak reyaktif pou sekirite ensandi sistèm batri a, anplis analize enpak ensandi yo. Dapre analiz ki disponib sou kalite lè a, tè, oswa done dlo yo kolekte nan jou ki vini apre ensidan yo, Gwoup Travay la te konkli ke yo pa te rapòte okenn blesi epi pa gen okenn nivo toksin danjere ki detekte. Anplis de sa, evalyasyon pwojè sistèm batri nan tout eta a ak revizyon kòd dife yo ap fèt kounye a ak rekòmandasyon pwojè yo prevwa pibliye pou kòmantè piblik nan premye trimès 2024 la.

"Eta New York rekonesan anvè premye sekouris yo ki te sou sèn nan ensandi sa yo, epi n ap pwofite opòtinite sa a pou asire yo kapab kontinye fè travay yo san danje epi avèk efikasite", **Gouvènè Hochul te deklare.** "Pandan n ap kontinye avanse tranzisyon enèji pwòp New York la, kenbe sekirite sa a gen anpil enpòtans. Erezman, analiz Gwoup Travay la pa montre okenn enpak dirab remakab sou sante oswa sekirite premye sekouris yo oswa kominote y ap sèvi yo."

Gwoup Travay la gen ladan I reprezantan Biwo Prevansyon ak Kontwòl Dife (Office of Fire Prevention and Control, OFPC) Divizyon Sekirite Enteryè ak Sèvis Ijans (Division of Homeland Security and Emergency Services, DHSES) lan, Otorite Rechèch ak Developman Enèji Eta New York (New York State Energy Research and Development Authority, NYSERDA), Depatman Konsèvasyon Anviwònmental (Department of

Environmental Conservation, DEC), Depatman Sèvis Piblik (Department of Public Service, DPS), ak Depatman Deta (Department of State, DOS) Eta New York. Gwoup la te konvoke nan mwa Out 2023 epi li te rasanble done epi li te travay avèk dilijans ak devlopè pwojè yo, fabrikan ekipman yo, ak ofisyèl gouvènman yo pou aprann plis ke posib sou ensandi yo nan twa sit sistèm batri yo.

Done yo rasanble ak analize pa Gwoup Travay la gen ladan:

- Yon rapò siveyans lè OFPC a, ak done echantyon tè ak dlo yo te resevwa nan men DEC ki soti nan sit Chaumont lan.
- Rezulta siveyans lè sou plas yo kolekte nan sit Warwick yo epi yo te transmèt yo bay Gwoup Travay la pa ofisyèl lokal yo.
- Rezulta echantyon tè sou plas ki soti nan sit East Hampton la te transmèt bay Gwoup Travay la pa yon devlopè pwojè.
- Yon rapò enspeksyon endepandan yon twazyèm pati ki gen ladan siveyans lè ak echantyon sifas nan biling lekòl ki nan vwazinaj ensandi 27 jen 2023 nan sit Warwick la.

Dapre enfòmasyon ki disponib jiskaprezan, pa gen okenn prèv ki montre gwo migrasyon kontaminan ki asosye ak ensandi yo andeyò sit la.

**Prezidan ak Direktè Egzekitif Jeneral Otorite Rechèch ak Developman Enèji Eta New York la, Doreen M. Harris, te deklare**, "NYSERDA rete angaje I pou I travay avèk patnè ajans eta nou yo, devlopè pwojè yo ak kominote lokal yo pou asire yon tranzisyon responsab nan yon rezo zewo emisyon epi mete done ak resous ki nesesè yo disponib pou facilite tranzisyon sa a yon fason ki an sekirite epi ki responsab."

**Komisè Divizyon Sekirite Teritwa ak Sèvis pou Ijans (Division of Homeland Security and Emergency Services) Eta New York la, Jackie Bray, te deklare**, "Sit estokaj enèji batri yo esansyèl pou sekirize avni klima nou an. Pandan teknoloji sa yo ap kontinye aplike nan tout eta a, nou pral travay sere ak patnè nou yo pou asire yo opere san danje."

**PDG Depatman Sèvis Piblik la (Department of Public Service) Rory M. Christian, te deklare** "Depatman an kontan dèske Gwoup Travay la te fè pwogrè enpòtan nan evalye estanda ak pratik prevantif ak reyaktif pou sekirite ensandi sistèm batri a, anplis analize enpak ensandi estokaj batri resan yo. Felisitasyon pou Gouvènè Hochul paske li kreye gwoup travay la. Depatman an pral kontinye travay pou asire sekirite a vin an premye pandan ke genyen pi plis batri ke y ap mete an sèvis."

**Komisè Depatman Konsèvasyon Anviwònmantal (Department of Environmental Conservation, DEC) Eta New York la Basil Seggos te deklare**, "DEC bat bravo pou Gouvènè Hochul paske li bay priyорite ak sekirite Nouyòkè yo epi li pran lidèchip pou asire ke pwojè deplwaman estokaj enèji kontinye pwoteje kominote nou yo ak anviwònman an. Ekspè DEC yo te ede Gwoup Travay sou Sekirite Ensandi a nan analize pratik aktyèl yo, ede nan teste sit, amelyore mezi repons pou ijans, ak idantifye

amelyorasyon nan operasyon yo nan etablisman ki gen wòl enpòtan nan bati yon avni enèji pwòp san danje epi responsab pou eta nou an. Nou pa ka tann pou nou travay ak ajans patnè nou yo pou kontinye avanse travay enpòtan sa a."

Anplis analiz kalite lè, tè, ak dlo ki dekri pi wo a, Gwoup Travay la te fè patenarya ak ekspè nan matyè yo pou enspekte tout sistèm batri an fonksyon ki pi wo pase 300 kW nan New York, ki reprezante majorite sistèm batri komèsyal ki an sèvis atravè Eta a. Enspeksyon yo ap fèt kounye a epi yo prevwa fini nan dezyèm trimès 2024 la. Objektif enspeksyon sa yo se revize lis evalyasyon aktyèl yo ak pi bon pratik ki disponib pou itilize pa NYSERDA ak lòt moun anvan yo mete sistèm lan sou tansyon, epi enkòpore lesyon yo aprann nan ensandi batri yo pandan y ap amelyore mezi repons pou ijans yo.

Sistèm depo enèji batri yo se yon eleman enpòtan pou reyalize yon rezo fyab, zewo emisyon. New York ap pran lidèchip nan abòde ensidan yo tèt pou tèt nan fòme gwoup travay entè-ajans sou ensandi ak sekirite a. Konklizyon ak rekòmandasyon yo pral amelyore fason pwojè depo enèji yo deplwaye nan New York ak atravè peyi a. Gwoup Travay New York te atire atansyon nasyonal nan men lòt eta yo paske endistri a investi anpil nan amelyore meyè pratik deplwaman estokaj enèji sou yon echèl ki pi laj.

Gwoup Travay la ap konkli negosyasyon ak fabrikan batri enstalasyon ki afekte yo ak konpayi sèvis publik yo pou sekirize rapò Analiz Koz Pwofon (Root Cause Analysis, RCA) pou ensandi Warwick, East Hampton ak Chaumont yo. Ekspè nan matyè yo pral revize epi analize rapò yo yon fwa yo disponib.

Anplis de sa, Gwoup Travay la ap kolabore ak laboratwa nasyonal yo ak lòt ekspè nan domèn lan k ap mennen nan peyi a pou revize tout kòd ki egziste deja ak pwosedi tès ki gen rapò ak devlopman ak elektrifikasyon sistèm estokaj enèji batri yo. Gwoup Travay la ap evalye aktivman tout kòd ak estanda ki enpòtan epi li pral fè rekòmandasyon pou asire ke kòd bilding ak ensandi yo adekwa ak apwopriye. Vèsyon preliminè rekòmandasyon yo ap disponib pou kòmantè publik nan premye trimès 2024.

Apre ensandi yo, OFPC te rann yon kou fòmasyon Sansibilizasyon sou Batri Lityòm-Ion disponib sou [DHSES E-Learning Management System](#) (Sistèm Jesyon Aprantijan an Liy DHSES) la pou tout premye sekouris yo. Dapre OFPC plis pase 2,000 patisipan te pran kou a jiska prezan.

Ajanda klimatik Eta New York la ki se lidè nan nasyon an fè apèl ak yon tranzisyon ki metodik epi ki jis ki kreye djòb ki soutni fanmi, ki kontinye ankouraje yon ekonomi vèt nan tout sektè epi asire ke omwen 35 poustan, avèk yon objektif 40 poustan, nan avantaj envestisman enèji pwòp yo ale nan kominate defavorize yo. New York, ki oryante pa kèk nan inisyativ klima ak enèji pwòp ki pi agresif nan peyi a, sou pwen pou reyalize yon sektè enèji zewo emisyon vè 2040, ki enkli 70 poustan pwodiksyon enèji renouvlab vè 2030, ak netralite kabòn nan tout ekonomi an vè mwatye syèk la. Yon poto mitan nan tranzisyon sa a se envestisman san presedan New York pou devlope enèji pwòp yo, ki enkli plis pase 52 milya dola nan 118 pwojè enèji renouvlab ak transmisyon ki fèt sou gran echèl nan eta a, 6.8 milya dola pou redui emisyon batiman yo, 3.3 milya pou

devlope enèji solè, plis pase 3 milya dola pou inisyativ transpò pwòp ak plis pase 2 milya dola nan angajman NY Green Bank yo. Envestisman sa yo ak lòt sipòte plis pase 165,000 djòb nan sektè enèji pwòp New York la an 2021 ak yon kwasans plis pase 3,000 poustan nan sektè solè distribiye a depi 2011. Pou diminye emisyon gaz ki lakòz efè sè ak amelyore kalite lè a, New York te adopte tou règleman veyikil san emisyon, ki gen ladan egzije pou tout nouvo machin pasaje yo ak kamyon pwa lejè yo vann nan Eta a gen zewo-emisyon disi 2035. Patenarya yo ap kontinye fè aksyon klimatik New York la avanse avèk apeprè 400 Kominote Entelijans Klimatik ki anrejistre ak 100 Kominote ki sètifye, apeprè 500 Kominote Enèji Pwòp, ak pi gwo inisyativ kontwòl lè kominotè Eta a nan 10 kominote devavorize atravè eta a pou ede sible polisyon lè epi konbat chanjman klimatik la.

###

Lòt nouvèl disponib sou sit [www.governor.ny.gov](http://www.governor.ny.gov)

Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418  
Enskri pou w jwenn mizajou Biwo Gouvènè a: [ny.gov/signup](http://ny.gov/signup) | Voye tèks NEW YORK bay 81336

[ANILE ENSKRIPSYON OU](#)